



Broj: 03-02-49470/09
Sarajevo, 15.01.2009. godine

O B J A Š N J E N J E
O IZRADI I PREDAJI FINANSIJSKIH IZVJEŠTAJA O
GODIŠNJEM OBRAČUNU
ZA PERIOD I – XII 2008. GODINE

Finansijski izvještaji o uspješnosti poslovanja pravnih lica – godišnji obračun u Federaciji Bosne i Hercegovine za period I – XII 2008. godine, sastavljaju se i podnose u skladu sa odredbom člana 13. st. 5. i 6. Zakona o računovodstvu i reviziji u Federaciji Bosni i Hercegovini („Službene novine Federacije BiH“, broj 32/05, u daljnjem tekstu: Zakon), Međunarodnim računovodstvenim standardima IAS i Međunarodnim standardima finansijskog izvještavanja (IFRS). U skladu s tim, pravna lica su dužna sastaviti finansijske izvještaje za 2008. godinu i iste predati Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar, zaključno dana 28. februara 2009. godine.

U vezi sa sastavljanjem, predajom, kontrolom i obradom finansijskih izvještaja o godišnjem obračunu za period I – XII 2008. godine, Federalno ministarstvo finansija-Federalno ministarstvo financija daje slijedeće objašnjenje:

1. Obveznici izrade i predaje finansijskih izvještaja za period I – XII 2008. godine su: privredna društva (preduzeća), banke i slične finansijske institucije, društva za osiguranje i reosiguranje, investicioni, uzajamni, privatizacioni i drugi profitno orijentisani fondovi, neprofitni fondovi, udruženja i druge neprofitne organizacije.

2. Obveznici iz tačke 1. ovog objašnjenja, podnose po jedan primjerak propisanih finansijskih izvještaja na shemama koje su objavljene u prilogu Rješenja o usklađenosti shema na kojima se podnose finansijski izvještaji sa Zakonom o računovodstvu i reviziji u Federaciji Bosne i Hercegovine („Službene novine Federacije BiH“, broj 82/06 i 3/07) za izvještajni period I – XII 2008. godine i to:

- Bilans stanja na dan 31.12.2008. godine;
- Bilans uspjeha (Račun dobiti i gubitka) za period od 01.01. do 31.12.2008. godine;
- Izvještaj o novčanim tokovima;

- Izvještaj o promjenama u kapitalu;

3. Pravne osobe koje knjigovodstvo vode po kontnom planu za budžet i budžetske korisnike podnose slijedeće finansijske izvještaje:

- Račun prihoda i rashoda za period od 01.01. do 31.12.2008. godine;
- Bilans stanja na dan 31.12.2008. godine;
- Iskaz o kapitalnim izdacima i finansiranju za period 01.01. do 31.12.2008. godine;
- Posebni podaci o plaćama i o broju zaposlenih za period od 01.01. do 31.12.2008. godine.

4. Obveznici iz točke 3. ovog objašnjenja, podnose po dva primjerka propisanih finansijskih izvještaja na propisanim shemama, odnosno proračunski korisnici i izvan proračunski fondovi godišnje finansijske izvještaje podnose u dva primjerka, s tim da jedan primjerak od Agencije AFIP i FIP preuzima Federalni zavod za statistiku, radi izračuna GDP-a u skladu čl. 30. i 31. Pravilnika o finansijskom izvještavanju i godišnjem obračunu proračuna u Federaciji BiH («Službene novine Federacije BiH», br. 17/05, 66/08 i 73/08).

5. Pored navedenih, Zakonom propisanih finansijskih izvještaja, svi obveznici podnošenja finansijskih izvještaja na osnovu utvrđenog godišnjeg obračuna, dužni su da uz obavezne finansijske izvještaje, predaju i posebni obrazac, i to:

- Posebni podaci o plaćama i broju zaposlenih.

6. Obveznici predaje finansijskih izvještaja na osnovu godišnjeg obračuna obavezno predaju i posebne obrasce propisane posebnim zakonskim propisima, i to: «TZ» Obračun članarina turističkim zajednicama, obrazac propisan odredbama Zakona o turističkim zajednicama i promicanju turizma u Federaciji Bosne i Hercegovine («Službene novine Federacije BiH», br. 19/96 i 28/03), Uredbom o članarinama u turističkim zajednicama («Službene novine Federacije BiH», br. 38/03 i 35/04) i Pravilnikom o obliku i sadržaju obrasca za uplatu članarine turističkim zajednicama («Službene novine Federacije BiH», br. 50/03).

7. Pravna lica iz tačke 1. ovog objašnjenja, obavezno podnose i posebne obrasce sa podacima koji se koriste za potrebe statističkih istraživanja iz oblasti nacionalni računa, a u svrhu izračunavanja Bruto domaćeg proizvoda i investicija u Federaciji Bosne i Hercegovine i to:

- „Statistički aneks godišnjeg računovodstvenog izvještaja za 2008. godinu“. Ovaj obrazac podnose sve pravne osobe obveznici sastavljanja i predaje godišnjeg obračuna, koje knjigovodstvo vode po kontnom planu za privredna društva (preduzeća);
- „Godišnji izvještaj o investicijama za 2008. godinu“ (INV – 01). Obrazac podnose sve pravne osobe obveznici predaje godišnjeg obračuna.

8. Pravne osobe obveznici predaje finansijskih izvještaja na temelju utvrđenog godišnjeg obračuna, koje knjigovodstvenu evidenciju vode po kontnom planu za gospodarska društva (poduzeća), obvezno predaju i Obračun posebnih vodoprivrednih naknada, obrazac «OVN» sukladno odredbama Zakona o vodama («Službene novine Federacije BiH», br. 70/06), Pravilniku o načinu obračunavanja, postupku i rokovima za obračunavanje i plaćanje i kontroli izmirivanja opće vodne naknade i posebnih naknada («Službene novine Federacije BiH», br. 92/07) i Odluci o visini posebnih vodnih naknada («Službene novine Federacije BiH», br. 46/07).

9. Obveznici predaje finansijskih izvještaja na osnovu utvrđenog godišnjeg obračuna, pravne osobe koje knjigovodstveno evidentiranje vode po kontnom planu za privredna društva (preduzeća), obavezno predaju i Obračun naknada za eksploataciju šuma i ostalih prihoda obrazac «ONŠ», u skladu sa odredbama Zakona o šumama («Službene novine Federacije BiH», br. 20/02, 29/03 i 34/04);

10. Svi obveznici predaje finansijskih izvještaja na osnovu utvrđenog godišnjeg obračuna dužni su da predaju i obračun posebnog poreza za zaštitu od prirodnih i drugih nesreća obrazac „ZS“ u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03 i 22/06) i Uputstva o načinu obračunavanja i uplati posebne naknade za zaštitu od prirodnih i drugih nesreća („Službene novine Federacije BiH“; broj 81/08).

11. Nadležni organi i organizacije preuzet će od Agencija AFIP i FIP i koristiti za svoje potrebe posebne podatke iskazane na obrascima i to: «TZ» Obračun članarina turističkim zajednicama; «OVN» Obračun posebnih vodoprivrednih naknada; «ONŠ» Obračun naknada za eksploataciju šuma ; te „ZS“ obračun naknade za zaštitu i spašavanje ljudi i materijalnih dobara od prirodnih i drugih nesreća, kao i druge naknade.

12. Finansijski izvještaji na osnovu utvrđenog godišnjeg obračuna za period I – XII 2008. godine popunjavat će se u konvertibilnim markama (KM), u apsolutnim iznosima, bez decimala.

13. Obveznici iz tačke 1. ovog objašnjenja, izuzev banaka i sličnih finansijskih organizacija, te profitnih i neprofitnih fondova, popunjavanje finansijskih izvještaja, na osnovu utvrđenog godišnjeg obračuna za period I – XII 2008. godine vršit će na objavljenim shemama u „Službenim novinama Federacije BiH“; br. 82/06 i 3/07).

14. Obveznici iz tačke 1. ovog objašnjenja i to: privredna društva (preduzeća) banke i slične finansijske organizacije, društva za osiguranje i reosiguranje, te investicioni, uzajamni i privatizacioni fondovi, popunjavanje finansijskih izvještaja vrše na istim shemama na kojima su predavali finansijske izvještaje za prethodni obračunski period I – VI 2007. godine.

15. Finansijske izvještaje sastavljene na osnovu godišnjeg obračuna za period I - XII 2008. godine - godišnji obračun o uspješnosti poslovanja pravnih osoba, obavezno potpisuje direktor privrednog društva (preduzeća), odnosno rukovodioc pravnog lica obveznika sastavljanja i predaje finansijskih izvještaja.

15. Preporučuje se rukovodiocu pravnog lica da finansijske izvještaje zajedno sa direktorom potpiše i certificirani računovođa, a u skladu sa članom 13. stav 8. Zakona radi preuzimanja odgovornosti za tačnost, kompletnost, istinitost, fer prezentiranje i pravovremeno podnošenje finansijskih izvještaja.

17. Za navedeni obračunski period obavezno se sastavlja Porezni bilans i predaje nadležnoj organizacionoj jedinici Porezne uprave Federacije Bosne i Hercegovine u roku propisanom Zakonom o Porezu na dobit, odnosno do 30. marta 2009. godine.

18. Svi obveznici predaje finansijskih izvještaja - godišnjeg obračuna za period I –XII 2008. godine dužni su pridržavati se ovog objašnjenja.

MINISTAR

Vjekoslav Bevanda

CO:

- Federalni zavod za statistiku;
- Savez računovođa i revizora i finansijskih radnika Federacije BiH Sarajevo;
- Savez računovođa i revizora i finansijskih djelatnika Federacije BiH Mostar;